

1. Ձերծ մնալ դիտարկումների և մշտադիտարկումների անվան տակ փաստացի ստուգումներ կատարելուց:
2. Ձերծ մնալ Տեսչական մարմնի հետ միևնույն վերահսկողական գործառույթները իրականացնելուց և գործառույթների կրկնորդումներից, քանի որ տվյալ բնագավառում վերահսկողություն իրականացնող այլ մարմին գործել չի կարող:

ՀՀ կառավարությանը՝

1. ՀՀ կառավարության 2002 թվականի օգոստոսի 15-ի «Հայաստանի Հանրապետության առողջապահության նախարարության պետական առողջապահական գործակալության կանոնադրությունը և կառուցվածքը հաստատելու մասին» N 1301-Ն և ՀՀ վարչապետի ՀՀ առողջապահական և աշխատանքի տեսչական մարմնի կանոնադրությունը հաստատելու մասին 2018 թվականի հունիսի 11-ի N 755-Լ որոշումների մեջ կատարել համապատասխան փոփոխություններ, որով տեսչական, վերահսկողական և հսկողական, այդ թվում ստուգման, մշտադիտարկումների, դիտարկումների լիազորությունները կփոխանցվեն ՀՀ-ում առողջապահության ոլորտում գործող միակ պետական մարմնին՝ Առողջապահական և աշխատանքի տեսչական մարմնին, քանի որ տվյալ բնագավառում վերահսկողություն իրականացնող այլ մարմին գործել չի կարող:
2. Հանդես գալ օրենսդրական նախաձեռնությամբ, որտեղ իրականացվող բժշկական օգնության և սպասարկման գործընթացի փաստաթղթային և տեղում փորձագիտական գնահատման, դիտարկման, մշտադիտարկման, կատարված աշխատանքների վերլուծության Գործակալության գործառույթները կփոխանցվեն Տեսչական մարմնին:

Հաշվեքննության օբյեկտների ղեկավարների պատրասխան

Տեսչական մարմին՝

Տեսչական մարմնի կողմից այս կետի վերաբերյալ առարկություններ չեն ներկայացվել:

ՀՀ առողջապահության նախարարություն՝

ՀՀ ԱՆ-ի կողմից այս կետի վերաբերյալ ներկայացված դիրքորոշումներն էական առումներով որևէ հիմնավոր պարզաբանումներ չեն պարունակել, կրել են հիմականում բացատրական բնույթ և հաշվեքննության խմբի կողմից չեն ընդունվել:

Այնուամենայնիվ, Հաշվեքննության խմբի կողմից արձանագրված «Գործակալության կանոնադրությամբ սահմանված չեն դիտարկում և մշտադիտարկում իրականացնելու լիազորություններ» խախտման վերաբերյալ Գործակալության կողմից տրված բացատրություններում ներկայացվել է ՀՀ կառավարության 2017 թվականի հոկտեմբերի 19-ի թիվ 1327-Ն որոշումը, որով փոփոխություններ են իրականացվել Գործակալության կանոնադրության մեջ և նման լիազորությունները նախատեսված են: Հաշվեքննության խմբի կողմից այդ բացատրությունն ընդունվել է:

XII.ՏԵՍՉԱԿԱՆ ՄԱՐՄՆԻ ՂԵԿԱՎԱՐԻ ՀՐԱՄԱՆՆԵՐՈՎ ՄԻԱՆՎԱԳ ԴՐԱՄԱԿԱՆ ԽՐԱԽՈՒՍԱՆՔՆԵՐ ԵՎ ՊԱՐԳԵՎԱՏՐՈՒՄՆԵՐ

Պարզևատրման գործընթացում բացակայում է աշխատանքային օրենսգրքի 178-րդ հոդվածի 3-րդ մասով ամրագրված պարզևատրման հիմքերը

Տեսչական մարմնի ղեկավարի հրամաններով 2018թ.-ի ընթացքում աշխատողների նկատմամբ կիրառվել են միանվագ դրամական խրախուսանքներ և պարզևատրումներ, մինչդեռ տվյալ ֆինանսական միջոցների կարգադրիչը հանդիսանում է ոչ թե Տեսչական մարմինը, այլ՝ ՀՀ առողջապահության

նախարարությունը: Հավելենք, որ պարզևատրման գործընթացում բացակայում է աշխատանքային օրենսգրքի 178-րդ հոդվածի 3-րդ մասով ամրագրված պարզևատրման հիմքերը, այն է՝ աշխատանքային պարտականությունները պարշաճ կատարելը կամ երկարամյա աշխատանքը և ծառայությունը կամ ծառայողական պարտականությունները գերազանց կատարելն ապացուցող փաստերը:

«Տեսչական մարմինների մասին» ՀՀ օրենքի 8-րդ հոդվածի 4-րդ մասի և Տեսչական մարմնի կանոնադրության 16-րդ կետի համաձայն Տեսչական մարմնի ղեկավարի և տեղակալների նկատմամբ խրախուսման ու պարգևատրման միջոցներ կիրառում է ՀՀ վարչապետը խորհրդի ներկայացմամբ: Սակայն վերջիններս խրախուսում ստացել են Տեսչական մարմնի ղեկավարի հրամանով:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ. -ի հունվարի 1-ից 2018թ. -ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմնի կողմից թույլ են տրվել անհամապատասխանություններ «Բյուջետային համակարգի մասին» ՀՀ օրենքի 1.2 հոդվածի 12-րդ մասի դրույթների հետ, այն է՝ բյուջետային հատկացումների գլխավոր կարգադրիչներն են պետական բյուջեով նախատեսվող հատկացումների գծով տվյալ տարվա պետական բյուջեի ելքերի գերատեսչական կառուցվածքում նշված պետական մարմինները և (կամ) պետական հիմնարկները՝ իրենց գծով սահմանված հատկացումների մասով:
2. Տեսչական մարմնի կողմից թույլ են տրվել անհամապատասխանություններ «Տեսչական մարմինների մասին» ՀՀ օրենքի 8-րդ հոդվածի 1-ին մասի և Կանոնադրության 16-րդ կետի դրույթների հետ, այն է՝ տեսչական մարմնի ղեկավարի նկատմամբ խրախուսման միջոցներ կիրառում է ՀՀ վարչապետը՝ խորհրդի ներկայացմամբ :
3. Տեսչական մարմնի կողմից թույլ են տրվել անհամապատասխանություններ «Տեսչական մարմինների մասին» ՀՀ օրենքի 8-րդ հոդվածի 4-րդ մասի և Կանոնադրության 21-րդ կետի դրույթների հետ, այն է՝ Տեսչական մարմնի ղեկավարի տեղակալների նկատմամբ խրախուսման միջոցներ է կիրառում ՀՀ վարչապետը:

Առաջարկություններ՝

Հաշվեքննության ընթացքում արձանագրված անհամապատասխանությունների կամ խեղաթուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմինն՝

1. Հետամուտ լինել, որպեսզի միանվագ դրամական խրախուսանքները և պարգևատրումները տրամադրվեն այն մարմնի կողմից, որը հանդիսանում է ֆինանսական միջոցների կարգադրիչը:

ՀՀ կառավարությունը՝

1. Հետամուտ լինել, որպեսզի տեսչական մարմնի ղեկավարի և տեղակալների նկատմամբ խրախուսման միջոցները կիրառվեն «Տեսչական մարմինների մասին» ՀՀ օրենքի 8-րդ հոդվածի 1-ին և 4-րդ մասերի և Կանոնադրության 16-րդ և 21-րդ կետերի դրույթների համապատասխան, այն է՝ ՀՀ վարչապետի կողմից՝ խորհրդի ներկայացմամբ:

Հաշվեքննության օբյեկտների ղեկավարների պատասխան

Տեսչական մարմին՝

Տեսչական մարմնի կողմից այս կետի վերաբերյալ ներկայացված դիրքորոշումներն էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

ՀՀ առողջապահության նախարարություն՝

ՀՀ ԱՆ-ի կողմից այս կետի վերաբերյալ առարկություններ չեն ներկայացվել:

XIII. ՆԵՐՔԻՆ ԱՌԻԴՏԻ ՀԱՄԱԿԱՐԳԸ

Հաշվեքննության առաջադրանքի իրականացման ընթացքում պարզվեց, որ «Ներքին աուդիտի մասին» ՀՀ օրենքի 1-ին հոդվածի և 2-րդ հոդվածի 1-ին մասի դրույթների համաձայն Հայաստանի Հանրապետության հանրային հատվածի կազմակերպությունները՝ ՀՀ Սահմանադրությամբ և օրենքներով նախատեսված պետական կառավարման և տեղական ինքնակառավարման մարմինները, պետք է ունենան ներքին աուդիտի համակարգ: Ներքին աուդիտի համակարգը, համաձայն «Ներքին աուդիտի մասին» ՀՀ օրենքի 2-րդ հոդվածի 3-րդ մասի պահանջների, ներքին աուդիտի իրականացման նպատակով Հայաստանի Հանրապետության օրենսդրությամբ նախատեսված ընթացակարգերի, պահանջների և ներքին աուդիտի մասնակիցների իրավունքների և պարտականությունների ամբողջությունն է: Ավելին, «Ներքին աուդիտի մասին» ՀՀ օրենքի 6-րդ հոդվածի 1-ին մասի համաձայն պետական մարմնի գործունեությունը բարելավելու վերաբերյալ Առաջարկություններ ներկայացնելով՝ ներքին աուդիտը պետք է աջակցի պետական մարմնին հասնել իր նպատակներին՝

- 1) օժանդակելով պետական մարմնի ղեկավարին՝ պետական մարմնում առկա ռիսկերը բացահայտելու և գնահատելու գործում: